

1. Kev Tshawb Fawb PEL Txog Kev Txuas Seward mus rau Glenn yog dab tsi?

Alaska Lub Tuam Tsev Hauj Lwm Ntsig Txog Kev Thauj Mus Los thiab Zej Tsoom Cov Yam Pab Kev Yooj Yim (Department of Transportation and Public Facilities, DOT&PF), Cheeb Tsam Nruab Nrab, tab tom ua Qhov Kev Tshawb Fawb Txog Cov Kev Txuas Nkag Mus Rau Kev Tawm Phiaj Xwm thiab Fab Huab Cua Ib Puag Ncig (Planning and Environmental Linkages, PEL) los txiav txim cov kev txhim kho kev thauj mus los uas muaj feem mus tau nyob rau hauv Anchorage, uas yuav txhim kho:

- kev nyab xeeb
- kev ua neej nyob
- kev ntoj ncig hauv cheeb tsam ncuu ntawm Txoj Kev Loj Seward thiab Glenn
- kev nkag mus siv tau ncuu ntawm cov kev loj hla xeev thiab Chaw Nres Nkoj ntawm Alaska
- kev ntoj ncig hauv zos hauv cov zej zog ib puag ncig

Qhov Kev Tshawb Fawb PEL muab lub hwv tsam rau DOT&PF los koom nrog zej zog thiab cov neeg koom nrog hauv kev txheeb xyuas cov kev xav tau kev thauj mus los, tsim cov kev daws teeb meem uas muaj feem mus tau, thiab txo qis cov npe ntawm cov hauv kev xaiv uas yuav ua kev tshab xyuas huab cua ib puag ncig nyob rau yav tom ntej thiab cov txheej txheem kev tawm qauv.


2. Leej twg yog tus ua qhov kev tshawb fawb?

DOT&PF koom tes nrog Cov Kev Daws Teeb Meem Kev Thauj Mus Los Nyob Rau Hauv Cheeb Tsam Nroog Loj Anchorage (Anchorage Metropolitan Area Transportation Solutions, AMATS) cov neeg ua hauj lwm los ua qhov kev tshawb fawb. AMATS yog Lub Koom Haum Kev Tawm Phiaj Xwm Nroog Loj uas muaj lub luag hauj lwm rau kev tawm phiaj xwm kev thauj mus los rau cheeb tsam Anchorage Bowl thiab Chugiak-Eagle River.

3. Cov ciam txwv ntawm cheeb tsam kev tshawb fawb yog dab tsi?

Raws li ncuu dav lawm cheeb tsam tshawb fawb yuav nyob raws Txoj Kev Bragaw nyob rau sab hnuv tuaj, Chester Creek nyob rau sab qab teb, Txoj Kev C nyob rau sab hnuv poob, thiab Joint Base Elmendorf-Richardson nyob rau sab qaum teb. Nws suav nrog cov cheeb tsam uas tuaj yeem tsim kho tau cov kev txhim kho kev thauj mus los uas muaj feem mus tau ncuu ntawm txoj kev loj Glenn thiab Seward thiab mus thiab los ntawm Chaw Nres Nkoj Alaska. Cheeb tsam tshawb fawb yeej dav txaus uas yuav ntsuam xyuas tias cov qib kev taug kev-khiav tsheb mus los nyob rau ntawm cov kev ua ib ntxaig yuav raug feem cuam tshuam tsis zoo li cas.

Daim Duab 1: Cheeb Tsam Tshawb Fawb Raws Li Ncua Dav



4. Kev Tshawb Fawb Txog Cov Kev Txuas Nkag Mus Rau Kev Tawm Phiaj Xwm thiab Fab Huab Cua Ib Puag Ncig (Planning and Environmental Linkages, PEL) yog dab tsi?

Saib raws li Tsoom Fwv Feem Hauj Lwm Kav Tswj Kev Loj (Federal Highway Administration, FHWA), qhov Kev Tshawb Fawb PEL txhais tau tias yog ib qhov kev sib koom tes thiab kev sib koom ua ke los ua kev txiav txim siab txog kev thauj mus los uas (1) saib rau cov hom phiaj fab huab cua ib puag ncig, zej zog, thiab kev lag luam thaum tseem ntov nyob rau hauv txheej txheem kev tawm phiaj xwm kev thauj mus los; thiab (2) siv cov ntaub ntawv, kev ntaus nqi, thiab cov khoom uas tau tsim nyob rau ncuva sij hawm npaj los ceeb toom qhia txheej txheem kev tshab xyuas fab huab cua ib puag ncig.

Kawm paub ntxiv los ntawm kev mus saib:

- [Tsoom Fwv Feem Hauj Lwm Kav Tswj Kev Loj \(Federal Highway Administration\) cov ntaub ntawv PEL \(dot.gov\)](https://www.environment.fhwa.dot.gov/env_initiatives/PEL.aspx) ¹
- [Alaska DOT&PF Phau Ntawv Qhia Siv PEL \(alaska.gov\)](https://dot.alaska.gov/stwddes/desenviron/assets/pdf/procedures/pel_guidebook.pdf) ²

5. Dab tsi yog cov txiaj ntsig uas muaj feem tshwm sim ntawm qhov Kev Tshawb Fawb PEL?

Txheej txheem PEL yuav pab txheej txheem kev txiav txim siab txog kev thauj mus los. Qhov Kev Tshawb Fawb PEL yuav:

- Txheeb xyuas cov txiaj ntsig thiab feem cuam tshuam tsis zoo uas muaj feem tshwm sim rau cov zej zog, huab cua ib puag ncig, thiab kev lag luam thaum tseem ntov nyob

¹ https://www.environment.fhwa.dot.gov/env_initiatives/PEL.aspx

² https://dot.alaska.gov/stwddes/desenviron/assets/pdf/procedures/pel_guidebook.pdf

rau hauv theem kev tawm phiaj xwm, uas ua rau teg dej num zoo dua thiab tsim nyog tus nqi.

- **Koom nrog cov koom haum koom tes, cov neeg muaj feem cuam tshuam, thiab zej tsoom,** tsim kom muaj kev paub txog thiab kev txhawb nqa teg dej num los ntawm kev sib txuas lus yam uas ua siab dawb paug thiab xwm yeem nkaus.
- **Muab cov hwv tsam thaum tseem ntxov thiab tas li rau zej tsoom los muab lus pab tswv yim** uas tsim qauv teg dej num.
- **Txo cov hauv kev xaiv ntawm teg dej num** txhawm rau ua kev tshab xyuas fab huab cua ib puag ncig, hauj lwm kev tawm qauv, thiab cov kauj ruam teg dej num kev tsim kho rau yav tom ntej.

6. Dab tsi yog qhov kev teem caij Kev Tshawb Fawb PEL?


Txheej txheem Kev Tshawb Fawb PEL tau pib nyob rau Lub Rau Hli Ntuj 2021. Nws xav tias yuav siv sijhawm thaj tsam li 36 lub hli, uas yuav ua tiav nyob rau xyoo 2024 (saib Daim Duab 2). Thov kom paub tias tej zaum cov hnub tim yuav muaj kev hloov pauv.

Tam sim no, pab pawg neeg ua hauj lwm ntawm teg dej num tab tom tshawb nrhiav cheeb tsam thiab koom nrog zej tsoom los ua kom nkag siab txog cov kev xav tau kev thauj mus los tam sim no thiab yav tom ntej. Qhov no tau pab tsim kho daim qauv lus qhia txog lub hom phiaj thiab kev xav tau rau qhov Kev Tshawb Fawb PEL, uas, tau txuas nrog rau zej tsoom li lus pab tswv yim, yuav pab qhia txog kev tshim kho cov hauv kev xaiv ntawm teg dej num.

Tab tom ua cov kev rau siab nthuav tawm rau zej zog txhawm rau los txheeb sau lus xam pom hais txog qhov kev tawm qauv lwm txoj hauv kev xaiv thaum xub thawj. Dhau li no lawm pab pawg neeg ua hauj lwm los kuj tseem tau ua hauj lwm los txheeb sau cov ntaub ntawv theem pib thiab ua qhov kev tshawb fawb kev taug mus los uas siv tsheb thiab tsis siv tsheb.

Thaum ua tiav qhov Kev Tshawb Fawb PEL kawg nkaus, tej zaum teg dej num yuav ua kev tshab xyuas thiab tawm qauv huab cua ib puag ncig ntxiv los ntawm Tsab Cai Hais Txog Txoj Cai Fab Huab Cua Ib Puag Ncig Hauv Teb Chaws (National Environmental Policy Act, NEPA) cov txheej txheem. Kev muab peev nyiaj pab rau cov teg dej num kev tsim kho yuav raug txiav txim tom qab ua tiav qhov Kev Tshawb Fawb PEL.

Daim Duab 2: Lub Kem Ntawv Teg Dej Num



7. Keeb kwm qhov kev tshawb fawb yog dab tsi?

Keiv txuas Txoj Keiv Loj Seward mus rau

Txoj Keiv Loj Glenn uas tau sab laj thaum tseem ntxov li ntxov tau nyob rau xyoo 1972 nyob rau hauv Anchorage Lub Phiaj Xwm Kev Thauj Mus Los Ncuva Kev Deb (Long Range Transportation Plan, LRTP).

Nyob rau xyoo 2001, AMATS tau ua qhov Kev Tshawb Fawb Kev Thauj Mus Los Nyob Rau Sab Hnub Tuaj Ntawm Anchorage. Nws tau txiav txim siab tias kev txuas Txoj Keiv Loj Seward thiab Glenn yog qhov tseem ceeb los daws qhov teeb meem muaj kev khiav tsheb mus los coob nyob rau hauv Anchorage Bowl.

Nyob rau xyoo 2005, teg dej num Kev Txuas Txoj Keiv Loj Seward mus rau Txoj Keiv Loj Glenn (H2H) muaj kev lees txais ua ib feem ntawm Anchorage Bowl 2025 LRTP. DOT&PF tau pib txheej txheem kev hais txog feem cuam tshuam tsis zoo fab huab cua ib puag ncig (EIS) rau teg dej num H2H, tab sis EIS tau muab thim nyob rau xyoo 2010.

Nyob rau xyoo 2020, DOT&PF nyob rau hauv kev koom tes nrog cov koom haum hauv zej zog (xws li, Fairview Community Council) tau paub zoo txog qhov yuav tsum tau daws cov teeb meem kev thauj mus los nyob rau hauv txoj kev no txuas mus ntxiv. Tom qab ntawd DOT&PF tau suav nrog qhov Kev Tshawb Fawb PEL ua ib feem ntawm AMATS Lub Phiaj Xwm Kev Thauj Mus Los Hauv Nroog Loj (Metropolitan Transportation Plan, MTP) 2040.

8. Dab tsi ua rau muaj qhov kev tshawb fawb PEL?

Qhov Kev Tshawb Fawb PEL no tau hais tseg nyob rau hauv MTP 2040, lub phiaj xwm kev thauj mus los hauv nroog loj uas muaj kev lees txais rau Anchorage. Lub phiaj xwm qhia tias lub hom phiaj ntawm qhov kev tshawb fawb yog los teeb tseg lub zeem muag rau qhov kev txuas kev loj nyob rau yav tom ntej uas muaj feem tshwm sim tau, txheeb xyuas cov kev txhawj xeeb fab huab cua ib puag ncig thiab peev txheej thiab cov hwi tsam nyob rau hauv cheeb tsam kev tshawb fawb, thiab siv cov ntaub ntawv los tsim kho cov hauv kev xaiv uas muaj zoo laj thawj los ntawm kev sab laj nrog rau cov chaw sawv cev uas raug feem cuam tshuam tsis zoo thiab zej tsoom. Qhov Kev Tshawb Fawb PEL no muaj lub npe raug raws cai tias *Kev Tshawb Fawb Cov Kev Txuas Nkag Mus Rau Kev Tawm Phiaj Xwm thiab Fab Huab Cua Ib Puag Ncig Ntawm Txoj Keiv Loj Seward mus rau Txoj Keiv Loj Glenn* (Lub Khoos Kas IRIS Nab Npawb CFHWY00550 | Tsoom Fwv Teg Dej Num Nab Npawb 0001653).

9. Puas yog koj tsis tau tshawb fawb teg dej num no nyob rau hauv H2H EIS lawm? Vim li cas koj ho tshawb fawb dua?

DOT&PF tau pib EIS rau teg dej num H2H, tab sis nws raug muab thim nyob rau xyoo 2010. Kev txuas Txoj Kev Loj Seward thiab Glenn tseem yog qhov tseem ceeb nyob rau hauv AMATS MTP 2040. Nyob rau hauv qhov Kev Tshawb Fawb PEL dhau los (PEL Kev Txo Qhov Muaj Tshab Khiav Mus Los Coob Nyob Rau Hauv Plawv Nroog), DOT&PF tau ntsuam xyuas cheeb tsam hauv Plawv Nroog ntawm teg dej num H2H mus rau Txoj Kev Loj Seward (ncua ntawm Txoj Kev Tudor thiab Txoj Kev Thib 20). Qhov Kev Tshawb Fawb PEL tam sim no yuav kuaj xyuas cheeb tsam uas pib txij ntawm Txoj Kev Thib 20 mus txog rau Lub Tshav Dav Hlau Heights Drive. Lub sij hawm dhau mus lawm ntev suav txij thaum xyoo 2010 los, thaum tau ua kev tshawb fawb txhij txhua txog qhov yuav tsum tau txuas Txoj Kev Loj Seward thiab Glenn zaum kawg nkaus. Qhov kev tshawb fawb tam sim no yuav kuaj xyuas dua cov kev xav tau fab kev thauj mus los - los ntawm kev saib rau ntawm cov kev khwv yees kev taug kev-khiav tsheb mus los tshiab thiab cov kev tshawb fawb kev ntoj ncig ntawm ncauj kev-qhov chaw yuav mus tshiab thiab yuav kuaj xyuas cov hauv kev xaiv uas muaj feem mus tau thiab lawv cov feem cuam tshuam tsis zoo.

10. Dab tsi yog qhov sib txawv hais txog ntawm qhov kev tshawb fawb no?

DOT&PF tab tom ua qhov Kev Tshawb Fawb PEL no ua qhov kev rov kuaj xyuas dua ntawm lub ntawm teg dej num uas muaj los lawm ntev nyob rau hauv AMATS MTP uas kom txuas txoj kev loj Seward thiab Txoj Kev Loj Glenn los ntawm Anchorage. Kev Tshawb Fab PEL Txog Kev Txuas Txoj Kev Loj Seward mus rau Txoj Kev Loj Glenn yuav mus deb tshaj li kev kuaj xyuas ntawm “kev txuas kev loj” txhawm rau txiav txim cheeb tsam ntawm cov tswv yim uas dav, uas suav nrog:

- Kev rov kuaj xyuas dua cov qib kev taug kev-khiav tsheb mus los uas tau khwv yees tseg txhawm rau txiav txim seb “txoj kev loj” puas tseem yog hom yam pab kev yooj yim uas phim.
- Kev txheeb xyuas cov kev txhim kho kev nkag mus siv tau uas muaj feem tshwm sim uas mus thiab los ntawm Lub Chaw Nres Nkoj ntawm Alaska.
- Kev txiav txim cov chaw nuam yaj hauv zej zog thiab koom zej zog nyob rau hauv kev txheeb xyuas cov teeb meem thiab cov kev daws teeb meem uas muaj feem mus taus.
- Kev pib qhov Kev Tshawb Fawb PEL yam uas tsis muaj qhov kev daws teeb meem uas tau teeb tseg ua ntej (xws li, kev txuas txoj kev loj), tab sis muaj kev ua zoo saib rau cov kev xav tau fab kev thauj mus los thiab cov hom phiaj hauv zej zog, cov kev teeb tseg, thiab cov zeem muag nyob rau hauv cov phiaj xwm uas muaj kev lees txais txij thaum zaum kawg nkaus uas tau muaj kev tshawb fawb teg dej num no los.

11. Tau muaj dab tsi hloov pauv nyob rau hauv cheeb tsam suav txij thaum tau muaj kev tshawb fawb txhij txhua txog cov kev xav tau thiab cov hauv kev xaiv rau kev mus los tawm txoj kev loj zaum kawg nkaus los?

Thaum tau muaj kev tshawb fawb txhij txhua cheeb tsam teg dej num zaum kawg nkaus, teg dej num Knik Arm Crossing thiab txoj kev choj uas txuas Gambell/Ingra mus rau Lub Chaw Nres Nkoj ntawm Alaska tseem nyob rau hauv lub phiaj xwm kev thauj mus los hauv tuam ceeb nroog uas muaj kev lees txais. Txij thaum ntawd los, cov yam ntxwv fab kev lag luam, xws li kev lag luam poob qis uas tab tom tshwm sim, kuj muaj ntau qhov sib txawv, thiab tam sim no cov qauv kev loj hlob thiab kev tsim kho kev siv av yog nce raws li daim phiaj qhia kev lub phiaj xwm kev siv av uas muaj kev lees txais tshiab. Vim cov laj thawj no, thiaj li muaj kev khwv yees tias cov qauv kev taug kev-khiav tsheb mus los thiab cov qib kev muaj kev taug kev-khiav tsheb mus los coob yuav txawv li cov uas tau tshawb fawb nyob rau xyoo 2010. Nws yog qhov tseem ceeb uas yuav tau rov kuaj xyuas dua cov kev xav tau fab kev thauj mus los uas saib raws li cov kev hloov pauv no txhawm rau ua kom ntseeg siab tias cov kev txhim kho tab tom daws teeb meem cov kev xav tau uas twb yeej muaj lawm.

12. Qhov kev tshawb fawb yuav kuaj xyuas cov teeb meem dab tsi?

Qhov kev tshawb fawb yog tau npaj los daws cov teeb meem kev nyab xeeb, muaj kev mus los coob, kev tuaj yeem nkag mus siv tau, kev sib txuas, thiab cov kev xav tau fab kev thauj mus los nyob rau hauv Txoj Kev Loj Seward thiab Glenn thiab mus rau Lub Chaw Nres Nkoj ntawm Alaska nyob rau hauv cheeb tsam tshawb fawb. Dhau li no lawm qho Kev Tshawb Fawb PEL kuj yuav txhim khokev ua neej nyob thiab kev ntoj ncig hauv zos nyob rau hauv cov koog zej zog ib puag ncig. Txhawm rau ua kom tiav qhov no, pab pawg neeg ua hauj lwm ntawm teg dej num yuav ua cov kev tshawb fawb fab kev tawm phiaj xwm thiab fab huab cua ib puag ncig, ua kev khwv yees kev taug kev-khiav tsheb mus los thiab kev ua qauv qhia txog qhov kev xav tau fab kev ntoj ncig, thiab sau tseg lub hom phiaj thiab cov kev xav tau rau tej cov kev txhim kho kev thauj mus los. Yuav muaj kev tsim kho cov hauv kev xaiv los daws cov teeb meem uas tau txheeb xyuas uas saib raws li cov kev ntaus nqi kev tawm qauv. Tam li yog qhov Kev Tshawb Fawb PEL, cov kev rau siab yuav sau ua ke cov feem xyuam hauv zej zog thiab fab huab cua ib puag ncig mus rau txheej txheem kev ua kev txiav txim siab, uas tsom kwm rau muaj kev koom tes ntawm zej tsoom.

13. Qhov kev tshawb fawb yuav raug siv li cas?

Thaum tau ua tiav qhov Kev Tshawb Fawb PEL zaum kawg nkaus, tej zaum ntau cov teg dej num (los sis cov feem xyuam xyaw ntawm lub phiaj xwm uas xam tag nrho) yuav ua qhov kev tshab xyuas fab huab cua ib puag ncig thiab kev tawm qauv ntxiv los ntawm txheej txheem NEPA. Dhau li no lawm tej zaum qhov kev tshawb fawb kuj yuav raug siv los ua qhov kev hloov kho dua tshiab qhov MTP 2040, uas muaj feem yuav hloov kho dua tshiab cov kev txhim kho uas yuav tsum tau muaj, cov kev khwv yees nqi, thiab kev teeb sij hawm thiab kev teeb ncuaj sij hawm ntawm cov kev txhim kho.

14. Pab pawg neeg ua hauj lwm ntawm teg dej num yuav muaj kev koom nrog cov neeg uas muaj feem cuam tshuam thiab zej tsoom nyob rauv hauv txheej txheem PEL li cas?

















Txheej txheem Kev Tshawb Fawb PEL yuav tsum muaj cov lus pab tswv yim los ntawm zej zog thiab cov neeg uas muaj feem cuam tshuam thiab yog lub zog loj rau kev tsim kho cov hauv kev xaiv kev tawm qauv. Pab pawg neeg ua hauj lwm ntawm teg dej num yuav muab cov hwv tsam nyob rau txhua tej theem ntawm qhov txheej txheem rau zej tsoom los kawm paub txog qhov kev tshawb fawb thiab muab lus pab tswv yim. Saib daim duab hauv qab rau cov hauv kev nthuav tawm xub thawj uas peb yuav siv.

Qhov txheej txheem yuav cuam tshuam rau ntau leej neeg thiab ntau pab pawg neeg txhawm ceeb toom qhia qhov kev tshawb fawb, cov hauv kev xaiv kev tsim kho thiab kev kuaj xyuas, thiab kev tshab xyuas Daim Qauv Ntawv Tshaj Tawm Kev Tshawb Fawb PEL. Qhov no suav nrog cov chaw sawv cev, Cov Pab Pawg Neeg, cov neeg ua hauj lwm uas tau xaiv tsa, cov chaw hauj lwm, cov neeg ua hauj pab thaum muaj xwm txheej ceev, cov lag luam, cov koom haum uas tsis vam nyiaj paj tshaj, cov koom haum hauv zej zog, thiab zej tsoom. Tau teeb tsa Pab Pawg Thawj Coj Saib Xyuas Kev Sab Laj Fab Tev Niv, Pab Pawg Thawj Coj Saib Xyuas Kev Sab Laj Hauv Zej Zog, Pab Pawg Thawj Coj Saib Xyuas Ntawm Cov Chaw Sawv Cev thiab Cov Pab Pawg Neeg, thiab Pab Pawg Thawj Coj Saib Xyuas Kav Xwm thiab muab lus pab tswv yim rau pab pawg neeg ua hauj lwm ntawm teg dej num.

DOT&PF tau cog lus yuav los ua qhov txheej txheem uas muaj vaj huam sib luag thiab daws tau cov teeb meem kev xav tau ntawm cov zej zog uas raws li ib txwm lawm tu ncuu kev tau txais kev pab cuam. Qhov no txhais tias yog:

- Kev muab cov hwv tsam kev tuaj yeem nkag mus siv tau, kev tsis sib cais, thiab yam pab yooj yim rau kev koom nrog.
- Kev nkag mus thiab sau ua ke cov lus pab tswv yim los ntawm cov neeg thiab cov pab pawg neeg uas raws li ib txwm lawm tu ncuu kev tau txais kev pab cuam thiab tsis muaj tus sawv cev los ntawm cov txheej teg kev ua hauj lwm fab kev thauj mus los.
- Kev txuas lus rau zej tsoom uas cuam tshuam rau cov lus pab tswv yim uas peb tau txais.

PRIMARY OUTREACH METHODS

 Committees	 Postcards
 Public Meetings	 Emails/E-blasts
 Small Group Meetings	 Stakeholder Interviews
 Workshops	 Traveling Open Houses/Listening Posts
 Press Event(s)	 Facilitation & Translation Services
 Project Website	 Resolution of Support Document
 Social Media	 Story Maps
 Newsletters	 Video

15. Kuv yuav koom nrog rau li cas?

Yog tias koj xav paub txog tej kev hloov kho dua tshiab los sis faib tawm koj cov kev xav hais txog teg dej num:

- Mus saib sewardglennconnection.com, qhov chaw uas koj tuaj yeem rau npe tau rau cov kev hloov kho dua tshiab email thiab nrhiv ntaub ntawv kev paub txog cov xwm txheej uas tab tom yuav tshwm sim.
- Raws qab saib peb hauv Facebook ntawm facebook.com/AlaskaDOTPF/.
- Txuas lus rau pab pawg neeg ua hauj lwv ntawm teg dej num thaum twg los tau:
 - 📞 (907) 206-2289
 - ✉️ info@sewardglennconnection.com